

## CHOR ROSSIYASINING O'RTA OSIYOGA RUS AHOLISINIKO'CHIRISH SIYOSATI

**Umidjon Paxriddinov**

*FarDU akademik litsey o'qituvchisi*

---

### A R T I C L E I N F O.

**Keywords:** Harbiy gubernator, ko'chirish, general-gubernatorligi, volost, Ko'chiruvchilik boshqarmasi.

### Abstract

Ushbu maqolada Rossiya imperiyasining Turkiston o'lkasidagi Farg'ona viloyatiga aholi ko'chirish siyosatining dastlabki davri haqida so'z boradi. Maqoladagi ishlatalgan barcha ma'lumotlar tarixiy faktlar hisoblanadi. Mazkur davr tarixiga oid ko'plab terminlar qo'llaniladi.

<http://www.gospodarkainnowacje.pl> © 2024 LWAB.

Rossiya imperiyasi boshqaruv apparati Turkiston o'lkasini bosib olgach, mustamlakachilik siyosatlarida o'z oldilariga bosh maqsad qilib ruslashtirish siyosatini qo'ydilar. Bu boradagi eng muhim va boshlang'ich qadam Rossiya hududlaridagi xalqlarni Turkiston yerlariga ko'chirishdan iborat bo'ladi. Chorizmning ko'chirish siyosatining mohiyati shundan iborat ediki ko'chirma xo'jaliklar uchun yer fondi mahalliy xalqning yerga bo'lgan huquqlarini o'taketgan darajada buzish yo'li bilan tuzilgan Rossiyadan dehqonlarni u yerga ko'chirish esa, chekka o'lkalarni ruslashtirish maqsadini ko'zlab millatchilik tamoyili asosida amalga oshirilgan<sup>1</sup>. Shuning uchun ham 1886-yildagi "Nizom"da rus manzilgohlari qurishga alohida e'tibor qaratilgandi. Nizomda aytilishicha, hukumat tasarrufida qolayotgan bo'shturgan davlat yerlariga "ularga rus aholisini joylashtirishda muhim ahamiyatga" ega bo'lgan. O'lkanning ular kelib joylashishi mumkin bo'lgan joylarini belgilab berish esa general-gubernator ixtiyorida qoldirilgan edi<sup>2</sup>.

Rossiya imperiyasi generallari ham, siyosatchilari ham shuni yaxshi bilar edilarki, faqat harbiy kuch, Markaziy boshqaruv apparatini joriy qilish bilan o'lkani uzoq muddat va ishonchli holda qo'lda ushlab bo'lmaydi. Shuning uchun ularda o'z millati, ya'ni rus millatiga mansub aholini mahalliy xalq orasida aralashtirib yuborish, Turkistonda doimiy yashaydigan rus va slavyan aholini tarkib toptirish kerak edi. Ular bu muammoni O'rta Osiyoga rus xalqining turli tabaqalariga mansub bo'lgan aholining bir qismini ko'chirish yo'li bilan hal qilmoqchi bo'ldilar. Shuningdek, mahalliy xalqning mustamlakachilar hokimiyatiga nisbatan xatti-harakatlarini kuzatib, zarur paytda ahvoldan darhol xabardor qilishlari ham lozim edi. Xullas, rus millatiga mansub bu kishilar chorizm uchun ijtimoiy tayanch qatlama bo'lishi kerak edi.

Shuning uchun ko'chirish siyosatini amalga oshirish Turkiston general-gubernatorligi tashkil etilgan 1867-yildayoq boshlab yuborildi. Rossiya imperiyasi ko'chirish bo'yicha uch yarim asrlik tajribaga ega

<sup>1</sup> Shamsutdinov R. Karimov Sh., Ubaydullayev O'. Vatan tarixi (XVI-XX asr boshlari). Ikkinci kitob. Toshkent, Sharq, 2010.202-2023-betlar.

<sup>2</sup> Turkiston chor Rossiyasi mustamlakachiligi davrida. O'zbekistonning yangi tarixi. Birinchi kitob. Toshkent, Sharq, 2000.219-bet.

edi. U Boltiq bo'yisi xalqlarini va Qozon, Sibir, Qrim, Astraxan xonliklarini bosib olib, ko'chirishning har xil shakl va uslublarini mukammal egallab olgan edi. Natijada faqatgina maxsus farmoyishlar bilan ko'chirilgan rus qishloqlari aholisiga emas, balki erkin suratda ko'chib boruvchilarga ham katta-katta shart-sharoitlar, pul va boshqa moddiy-ma'naviy yordamlar berildi.

Rus quroli va tartib-qoidalari O'rta Osiyo hududlarini kalitsiz darvozasi lang ochilgan maydonga aylantirib yubordi. Natijada mansab istaganlar, ishyoqmaslar, xullas, har xil odamlar, hatto, jinoiy guruhlar ham temir oqim singari O'rta Osiyoga oqib kela boshladilar. Ammo dastlabki davrdayoq chorizm mustamlakachilari bu yerda Sibir tajribasini amalga oshirib bo'lmasligini anglab yetdilar. U yerda o'zlashtirilmagan yerlar juda ko'p bo'lsa, Turkiston boshqacha edi, ya'ni ekilayotgan yerlar band, bo'sh yerlar esa kam edi. Natijada O'rta Osiyoga aholini ko'chirish ulardan ancha ehtiyyotkorlikni talab qildi.

Istilo qilingan hududlarga rus aholisini ko'chirish tashkilotchilarining eng tashabbuskori fon Kaufman edi. U 1875-yilda Avliyoota tumanida dastlabki rus qishlog'ini barpo etdi. Kaufman rus qishlog'ini tashkil etish, uni muhofazaga olish qoidalarni ishlab chiqdi, o'lkaza ruslar kelishini har tomonlama rag'batlantirdi. Uning hukmronligi davrida 8 ta rus qishlog'i vujudga keldi<sup>3</sup>.

1886-yilgi «Nizom» rus aholisini ko'chirib keltirish yo'li bilan o'lkani ruslashtirish harakatini qonuniy mustahkamlab, unga siyosiy tus berdi. Ko'chib keluvchilarga 10 desyatinden kam bo'limgan yer ajratish belgilandi. Turkistonga kelib o'rnashish va yer-mulkka ega bo'lish huquqi faqat nasroniy dinining pravoslav mazhabidagilargagina berildi. 1886-yilgi Qonunga ko'ra, o'lkaza ko'chib keluvchilarni tanlash va joylashtirish tartiblari belgilandi. «Bo'sh davlat yerkari»ga birinchi navbatda xizmatdan bo'shagan zaxiradagi zabitlar, quyi unvondagi harbiy xizmatchilarning joylashtirilishi alohida ko'rsatildi. Ammo Qonunda «Bo'sh davlat yerkari» deyilganda qanday yerlar nazarda tutilishiga izoh berilmadi. Holbuki, ana shu masala o'lkadagi yer-suv munosabatlariga bevosita aloqador bo'lib, u keyinchalik muammoga aylandi, mahalliy xalqning qat'iy noroziligiga sabab bo'ldi.

Dehqonlar imperianing qora tuproqli markaziy hududlaridan yer taqchilligidan qutulish va mustamlaka Turkistonda boyish uchun ham Rossiyadan beto'xtov oqib kela boshladilar. Ular ma'muriyatning ijozatisiz ham o'lkaza kelib o'zboshimchalik bilan tub aholiga qarashli yernarni egallay boshladilar. 15 yil davomida, ya'ni 1875-1890-yillar ichida Turkistonda 1300 ta oila joylashib, 19 ta rus qishlog'ini tashkil qildi. 1891-1892-yillarda Rossiyada ocharchilik boshlanganda esa Turkistonga ko'chib keluvchilarning soni nihoyatda ko'payib ketdi. Ana shu ikki yil davomida 25 ta rus qishlog'i paydo bo'lib, rus dehqonlarining soni ikki barobar ko'paydi. 1890-yilda Farg'ona viloyatida 5 ta rus qishloqlari mavjud edi. Ularning manzillari ulardagи xonardonlar va istiqomat qiluvchilar haqida quyidagi jadval ma'lumotlar beradi<sup>4</sup>.

Shuni alohida ta'kidlash joizki, mahalliy aholi bilan rus dehqonlari o'rtasida yer-suv masalasida sug'orish inshootlaridan foydalanish bobida o'zaro to'qnashuvlar kuchaydi. Bu janjallar va to'qnashuvlarning asosiy sababchisi rus dehqonlari edi. Bunday ko'ngilsiz voqeani odilona, tinch bartaraf qilishga uringan ayrim ilg'or kayfiyatdagi rus amaldorlari quvg'inga uchratildi. Ko'chib keluvchi ruslar ularni o'lordan siqib chiqarishi yoki butkul qirib tashlashi darkor». Xuddi ana shunday ruhda ishlab chiqilgan 1889-yil 13-iyuldagи Qonun ko'chib kelgan rus aholisiga imtiyozlar va moddiy yordam berishni belgiladi.

1892-yilda ruslashtirish siyosatida tub burilish boshlandi. Xuddi shu yildan boshlab Rossiyadan o'zboshimcha ko'chib kelgan minglab «kelgindi»larning ma'muriyat ijozati bilan kelganlar qatorida ularga berilgan huquqlardan foydalanishlari mumkinligi e'lon qilindi.

<sup>3</sup> Ilhomov Z., Xo'jamov M. O'zbekiston tarixi (XVI-XX-asr boshlari) ma'ruza matnlari. Toshkent, 2002.25-bet.

<sup>4</sup> Turkiston chor Rossiyasi mustamlakachiligi davrida. O'zbekistonning yangi tarixi. Birinchi kitob. Toshkent, Sharq, 2000.219-bet.

O'z yerlaridan dehqonlarning ketib qolishiga qarshilik qilgan rus pomeshchiklari mamlakatda kuchayib borayotgan dehqonlar harakatidan xavotirlanib, «to'polonchi unsurlar» ning Turkistonga ketishiga endi rasman xayriyohlik ko'rsata boshladilar. Mustamlaka o'lkaga ruslarni yuborish masalasi bilan shug'ullanuvchi maxsus idora – «Ko'chirib keltirish boshqarmasi» tashkil qilindi. Podsho Rossiysi hukumati 90 yillar oxirida rus dehqonlarining kam yerli va yersizlariga «Osiyo Rossiyasida bo'sh yotgan yerlardan» foydalanishga keng imkoniyat yaratdi. Shunday qilib, Podsho hukumati Rossiya dvoryan-pomeshchiklari manfaatini ko'zlab, ularni «ichki balo» – kambag'al dehqonlar xurujlaridan saqlash uchun Turkiston yerlarini ularga qurban qildi. Ichki norozilikni mustamlaka xalq hisobidan hal qilishga urindi.

O'rta Osiyoga rus aholisining ko'chirilishi mahalliy xalqlarning moddiy-ma'naviy turmushiga salbiy ta'sir qilardi. Dehqonlarning kam yerli ekanligi bu ziddiyatni yanada kuchaytirib yuborishi aniq edi.

Bu kutilmagan vaziyat e'tiborga olinib, 1888-yilda Podsho generallaridan biri O'rta Osiyoga ko'chirib keltirilgan rus kazaklarining ekinlarini to'ng'iz va boshqa yovvoyi hayvonlar payhon qilib kelmoqda, qabilida bahona qilib, o'lkadagi rus qishloqlarini qurollantirish kerak, degan masalani qo'ydi. Bir-birini imi-jimida tushunuvchi mustamlakachi hokimiyat vakillari masalaning mohiyatini darrov anglab oldilar. Shu tariqa, faqat dehqonchilik qiluvchi rus kazaklari dehqonlarini qurollantirishga kirishildi.

Demak, ko'chirish siyosati chorizmning mustamlakachilikni mustahkamlash yo'lidagi tadbirlaridan biri bo'lib, harbiy-siyosiy maqsadni ko'zlab amalga oshirilgan edi.

Shuni ta'kidlash lozimki, viloyat shaharlari aholisi ayniqsa, XX asr boshlariga kelib tez sur'atlar bilan ortib bordi. Buning asosiy sababi - shahar aholisi tabiiy ko'payish bilan birgalikda shaharlarning temir yo'l bilan bog'lanishi, zavod va fabrikalarning paydo bo'lishi va rivojlanib borishi, savdo munosabatlarining jonlanishi, qishloqlarda yersiz dehqonlarning paydo bo'lishi va ularning ish izlab shaharlarga kelishi ham o'z ta'sirini ko'rsatgandi.

Mustabid imperiya markazi talabi bilan 1905 yilda ziroat va davlat mulklari vazirligi tarkibida «Ko'chiruvchilik boshqarmasi» tuzildi<sup>5</sup>.

Ko'chirish siyosati bilan shug'ullanish o'lka ma'muriyati zimmasiga yuklatilgan. Ko'chib kelganlarga katta imtiyozlar berilgan. Jumladan, ular mablag', turar joy, yer maydonlari, kreditlar bilan ta'minlangan. Ko'chib kelganlar 5 yil davomida soliqlardan ozod etilgan, keyingi 5 yil davomida soliqlarning yarmini to'lagan. Rossiyadan ko'chib kelganlar asosan qishloq axolisi bo'lgan. Ular uchun o'lka ma'muriyati maktab va cherkovlar qurishga mablag' ajratgan. Turkiston o'lkasida harbiy xizmatchilar yashab qolishlari va tomorqa yer olishlari mumkin bo'lgan.

Ana shu imtiyozlar va imkoniyatlar Rossiyadan dehqonlarning ulkan oqimi kelishiga sabab bo'ldi. Kelganlar hammasi sug'orma maydonlardan yer olishni istardi. O'lkada yerga ehtiyoj keskin ortib ketdi. Mahalliy aholining yerlari egallab olinib, ularni o'z jonajon yerlaridan siqib chiqara boshlashdi.

1906-yilda Farg'ona viloyatining O'sh uyezdi Pokrovskoye qishlog'ida o'ziga to'q rus kishilari yaylov va jamoa ixtiyoridagi o'tloqni mahalliy aholidan tortib olgan. Andijon tumani Ko'gart volostida esa kelgindilar tub joy aholining yerlarini zo'rlik bilan egallaydi. Aholi ular ustidan shikoyat qilganda esa Ko'chiruv mahkamasi amaldorlari rus dehqonlari tomonida turib, ularning manfaatini himoya qilishadi. Zo'ravonlik shu qadar kuchayib ketdiki, hatto Turkiston general-gubernatori Grodekov, uning yordamchisi general Kondratovich, Yetisuv viloyati harbiy gubernatori general-mayor Ionovlar Ko'chiruv mahkamasi boshlig'i Veletskiyning o'zboshimcha harakatlariga chek qo'yishni talab qilib,

<sup>5</sup> Turkiston chor Rossiyasi mustamlakachiligi davrida. O'zbekistonning yangi tarixi. Birinchi kitob. Toshkent, Sharq, 2000.221-bet.

Peterburgga telegramma yuborishadi<sup>6</sup>. Ammo markaz teskari ish tutib, avvalo general Ionovni iste'foga chiqardi, so'ng Grodekov va Kondratovichlarni lavozimlaridan chetlatib, Peterburgga chaqirtirib olindi. Yangi general-gubernator Mishchenko, Ziroat va davlat mulklari boshqarmasi boshlig'i Lazarevskiy Ko'chiruv mahkamasi faoliyatiga chek qo'yishga intilishganda ular ham vazifalaridan chetlatildi. Birgina Ko'chiruv mahkamasi boshlig'i kollej maslahatchisi Veletskiy uchun Peterburgning oliy doiralari undan bir necha barobaryuqori martabali to'rt general va ikki stats-maslahatchining bahridan o'tdi. Ana shu dalilning o'zi ham chorizm birinchi navbatda rus dvoryanlari manfaatini qanchalik yuqori qo'yganligidan dalolat beradi.

Turkistonda rus nufuzini ko'paytirishga markaz katta e'tibor berib, bunga mablag'ni ayamadi. 1908-1910 yillarda o'lkani taftish qilgan markaz vakili senator graf K.K.Palen Turkistondagi rus hukmronligining asosiy vositasi o'lkada o'ziga to'q rus dehqonlarini ko'paytirish deb hisobladи<sup>7</sup>. Senatorning fikricha, ana shunday o'ziga to'q rus dehqonlar imperiya bilan mustamlakani o'zaro bog'lovchi va yaqinlashtiruvchi «ishonchli» unsur bo'lib qoldi. 1906-1915 yillarda Sirdaryo-Farg'ona ko'chiruv hududi bo'yicha rus dehqonlari uchun mahalliy aholiga qarashli 744,9 ming tanob yer musodara qilindi. Turkistondagi eserlar partiyasi 1908 yilda chiqargan bu xitobnomada tarixiy haqiqat o'z aksini topgan. Turkiston xalqlarining ota meros yerkari rus kelgindilariga zo'ravonlik bilan taqsimlab berilayotgani aniq dalillar asosida ko'rsatilgan.

Birgina Marg'ilon tumanida shu tariqa o'zbeklarning 11,5 ming tanob yeri musodara qilindi. Jalolquduq volostila esa solig'ini to'lolmay yeridan voz kechgan o'zbek dehqonlariga qarashli joyda 3 rus posyolkasi, Andijon tumanida 2, O'shda esa 1 posyolka barpo etildi. Shu tariqa 1906-1913 yillar mobaynida Turkistonda 116 rus posyolkasi qurildi<sup>8</sup>.

Xulosa qilib shuni alohida ta'kidlash lozimki, podsho hukumatining ko'chiruvchilik tadbirlari oxir-oqibatda o'lkada rusiyabonlarni ko'paytirishga olib keldi, ularning iqtisodiy mavqeini kuchaytirib, mahalliy xalqqa nisbatan kalondimog'ligini yanada oshirdi. Bu esa buyuk rus shovinizmining ijtimoiy-iqtisodiy zaminini yaratdi.

#### **FOYDALANILGAN ADABIYOTLAR RO'YXATI:**

1. Abdullaev U.S. Farg'ona vodiysida etnoslararo jarayonlar. –T., «Yangi asr avlodи», 2005.
2. БобобековҲ. Кўқонтарихи. - Т: Фан, 1996.
3. Ilhomov Z., Xo'jamov M. O'zbekiston tarixi (XVI-XX asr boshlari) ma'ruza matnlari. Toshkent, 2002.
4. Turkiston chor Rossiyasi mustamlakachiligi davrida. O'zbekistonning yangi tarixi. Birinchi kitob. Toshkent, Sharq, 2000.
5. Абашин С.Н. Население Ферганской долины (к становлению этнографической номенклатуры в конце XIX – начале XX века) // Ферганская долина. Этничность, этнические процессы, этнические конфликты. – М.: Наука, 2004.
6. Nuriddin Mukhitdinovich Akhmadiev, Islamic Spiritual Prosperity Of Youth In Religious Education. Scientific and Technical Journal of Namangan Institute of Engineering and Technology, 1 tom, 2019.
7. Nuriddin M Ahmadiev, Islom M Juraev, Family reading-a leading factor in the promotion of youth moral education. Научные исследования в Кыргызской Республике, 2019.
8. Nuriddin Akhmadiev, Factors of raising the level of spiritual and social activity in the youth,

<sup>6</sup> Turkiston chor Rossiyasi mustamlakachiligi davrida. O'zbekistonning yangi tarixi. Birinchi kitob. Toshkent, Sharq, 2000.223-bet.

<sup>7</sup> Turkiston chor Rossiyasi mustamlakachiligi davrida. O'zbekistonning yangi tarixi. Birinchi kitob. Toshkent, Sharq, 2000.225-bet.

<sup>8</sup> Shu kitob. 228-bet.

- Scientific and Technical Journal of Namangan Institute of Engineering and Technology, tom1, 2019.
9. NM Ahmadiev, SPIRITUAL AND MORAL UPBRINGING OF YOUNG PEOPLE IS A FACTOR OF GREAT PROSPECTS. ПЕДАГОГИКА. ПРОБЛЕМЫ, ПЕРСПЕКТИВЫ, ИННОВАЦИИ, 2020.
  10. Akhmadiev Nuriddin Mukhutdinovich, Intellectual Culture in Increasing the Innovative Activity of Young People-An Important Criterion, American Journal of Social and Humanitarian Research, 3-tom, 2022.
  11. Nuriddin Akhmadiev, The role of youth ideological upbringing in the prevention of spiritual threats. Academicia: An International Multidisciplinary Research Journal, tom 11, 2021.
  12. NM Axmadiyev, PAVLONIYA-MO'JIZAVIY DARAXT, European Journal of Interdisciplinary Research and Development, tom 15, 2023.
  13. Akhmadiev Nuriddin Mukhutdinovich, In Matters of Spiritual and Moral Education of Children in the Family, the Alienation of Youth to the Older Generation, Central Asian Journal of Literature, Philosophy and Culture, tom 3, 2022.
  14. Nuriddin Ahmadiyev, THE ROLE OF THE FAMILY ENVIRONMENT AND THE ELDERLY GENERATION IN THE IMPROVEMENT OF THE MORAL CULTURE OF YOUTH. Интернаука 2020.
  15. Nuriddin M Akhmadiev, FACTORS FOR THE HEALTH OF THE SPIRITUAL MORAL WORLD OF THE YOUNGER GENERATION, Oriental Journal of Social Sciences, tom 2, 2022.
  16. NM Axmadiyev, Abduvaliyeva Zarnigor, MARKAZIY OSIYODA AYOLLARNING O'RNI VA ROLI, European Journal of Interdisciplinary Research and Development tom 16, 2023.
  17. NM Axmadiyev, Y Axmadiyeva, BARKAMOL AVLOD TARBIYASIDA ESTETIK TARBIYA VOSITALARINING O 'RNI VA AHAMIYATI, Miasto Przyszłości, tom 42, 2023.
  18. NM Axmadiyev, INTELLECTUAL CULTURE IN IMPROVING INNOVATIVE ACTIVITY OF YOUNG PEOPLE-AN IMPORTANT CRITERION. Web of Humanities: Journal of Social Science and Humanitarian Research, tom 1, 2023.
  19. NM Akhmadiev, FI Andapulatova, Description of Terms in Uzbek. Open Academia: Journal of Scholarly Research, tom 1, 2023.
  20. NM Akhmadiev. THE ROLE OF THE OLDER GENERATION IN THE DEVELOPMENT OF CIVIL SOCIETY AND MORAL DEVELOPMENT OF YOUTH. Academia Science Repository, tom 4, 2023.
  21. NM Axmadiyev. "CHICORIUM INTYBUS L" O 'SIMLIGINING ELEMENTLAR TARKIBI VA MIQDORINI O 'RGANISH. European Journal of Interdisciplinary Research and Development, tom 16, 2023.
  22. NM Axmadiyev, Xaydarov Abdukamol Xaqyor o'g'li. RENET SIMIRENKO (OLMA NAVI) NING KELIB CHIQISHI VA XUSUSIYATLARI. European Journal of Interdisciplinary Research and Development, tom 16, 2023.
  23. NM Axmadiyev. NEFT ISHQORIY CHIQINDILARINI ATROF-MUHITGA TA'SIRI. European Journal of Interdisciplinary Research and Development. Tom 16, 2023.
  24. Нуридин Ахмадиев. INTELLEKTUAL MADANIYAT YOSHLARNING INNOVATSION FAOLLIGINI OSHIRISHNING MUHIM MEZONI SIFATIDA. Ижтимоий-гуманитар фанларнинг долзарб муаммолари/Актуальные проблемы социально-гуманитарных наук/Actual Problems of Humanities and Social Sciences. Tom 3, 2023.